

The logo consists of the words "NAŠA STRANKA" in white, uppercase letters on a red rectangular background.

Politička organizacija građana „Naša stranka“
Općinski odbor Velika Kladuša
Adresa: Huske Miljkovića 2, 77230 Velika Kladuša
Telefon: 060 311 66 74
E-mail: info@kladusajenasa.org

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
Općinsko vijeće

Poštovani,

Na osnovu člana 101. Poslovnika o radu Općinskog vijeća Velika Kladuša na usvajanje upućujem amandmane na Prijedlog budžeta Općine Velika Kladuša za 2022. godinu.

AMANDMAN 1.

U Članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614311-001 „Grant za razvoj poljoprivrede“ povećati sa 400.000 KM na 600.000 KM. Sredstva osigurati umanjenjem ekonomskog koda 822311 za 100.000 KM, ekonomskog koda 614411-004 za 50.000 KM i 821321 za 50.000 KM.

Obrazloženje: Pandemija koronavirusa, a potom i ekonomska kriza izazvana ratom u Ukrajini ima katastrofalan utjecaj po svjetsku ekonomiju. Posebno su te posljedice teške za poljoprivredne proizvođače zbog ogromnog poskupljenja energenata i repromaterijala. Zbog toga, ali imajući na umu i zakonsku odredbu o obavezi izdvajanja najmanje 3 posto iz budžeta za poljoprivredu, uputno je sredstva u ovom ekonomskom kodu povećati na iznos od 600.000 KM. Sredstva osigurati umanjenjem ekonomskog koda koda 822311 „Pozajmljivanje javnim preduzećima“ za 100.000 KM, ekonomskog koda 614411-004 „Subvencije javnih preduzeća i zavisnih društava“ za 50.000 KM i ekonomskog koda 821321 „Motorna vozila – nabavka specijalnog vozila sa korpom“ za 50.000 KM.

AMANDMAN 2.

U Članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614311-006 Grant za škole sa područja općine Velika Kladuša povećati sa 0 KM na 80.000 KM. Sredstva osigurati umanjenjem ekonomskog koda 614311-023 za 80.000 KM.

Obrazloženje: Kao lokalna zajednica ne možemo direktno mijenjati obrazovni sistem, ali svakako možemo poboljšati uslove rada i za učenike i za nastavnike u našim školama. Direktna izdvajanja općine za škole moraju biti značajnija nego do sada, te ih je potrebno dodjeljivati korisnicima (školama) kroz projektno finansiranje. Dodatni razlozi za povećanje ovog granta su situacija sa pandemijom koronavirusa, koja je pred škole postavila značajne finansijske i organizacione izazove, a koje su se negativno odrazile i na sam nastavni proces. Sredstvima iz ovog koda bi mogli biti finansirani i projekti prevencije vršnjačkog nasilja i psihološke podrške učenicima, nabavka školske opreme i pomagala, vannastavne aktivnosti (različite sekcije, kulturne i sportske aktivnosti), itd. Potrebna sredstva osigurati umanjnjem ekonomskog koda 614311-023 „Grant za kulturne i sportske manifestacije, 4 kladuška doba“ za 80.000 KM.

AMANDMAN 3.

U Članu 3. Prijedloga, razdjel 10, glava 101, funkcija 0111, uvesti novi ekonomski kod pod nazivom „Grant za JU Dječije obdanište Velika Kladuša“ u iznosu od 80.000 KM. Sredstva osigurati umanjnjem ekonomskog koda 614323 za 80.000 KM.

Obrazloženje: U prošloj godini je više od 80 djece bilo na listi čekanja JU Dječije obdanište Velika Kladuša. Barem dio ovog problema bi mogao biti riješen proširenjem kapaciteta ove ustanove za šta postoje prostorni uvjeti. Potrebna su samo sredstva za plaće dodatnog osoblja (1 kuhar/ica i 2 medicinske sestre) te opremanje prostorija. Procijenjena vrijednost za ove potrebe je 80.000 KM. Iako ova ustanova nije pod eksplicitnom nadležnošću lokalne samouprave, unapređenje mreže ustanova, te upravljanje i finansiranje javnih ustanova predškolskog obrazovanja jeste jedna od nadležnosti općine propisana članom 8. Zakona o principima lokalne samouprave u FBiH. Što je još važnije, na ovaj način bi se kapaciteti JU Dječije obdanište proširili za najmanje 20 mjesta. Potrebna sredstva osigurati umanjnjem ekonomskog koda 614323 – „Tekući trans. za parlamentarne pol. partije-klubovi vijećnika“ za 80.000 KM.

AMANDMAN 4.

U Članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614311-007 „Grant za Sportski savez“ povećati sa 80.000 KM na 200.000 KM. Sredstva osigurati umanjnjem ekonomskog koda 614324-001 za 120.000 KM.

Obrazloženje: Ove godine je nacrtom budžeta predviđeno smanjenje Granta za sportski savez i to čak za 100.000 KM. Takvo umanjnje bi sasvim sigurno dovelo do gašenja velikog broja sportskih kolektiva u Velikoj Kladuši uzevši u obzir jako tešku situaciju kroz koju sport prolazi posljednje dvije godine. Podsjećamo da je u prošloj godini u ovom ekonomskom kodu bilo planirano 180.000 KM, a izvršeno čak i više od 190.000 KM, što samo pokazuje potrebu sportskih kolektiva za budžetskom pomoći. Smatramo da ovaj kod mora ostati na iznosu sličnom prošlogodišnjem ili čak i većem, a nikako drastično umanjnen kako je to nacrtom predviđeno. Potrebna sredstva osigurati umanjnjem ekonomskog koda 614324-001 „Tekući transfer udruženjima građana“ za 120.000 KM.

AMANDMAN 5.

U Članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614817 „Izvršenje sudskih presuda i rješenja o izvršenju“ povećati sa 100.000 KM na 400.000 KM. Sredstva osigurati umanjnjem ekonomskog koda 822311 za 300.000 KM.

Obrazloženje: Prema dostupnim informacijama, potraživanja tužitelja prema Općini Velika Kladuša po osnovu sudskih presuda i rješenja o izvršenju iznose više od 750.000 KM. Ova potraživanja godišnje rastu samo po osnovu kamata za oko 50.000 KM, te se sadašnjim tempom isplata potraživanja ne umanjuju u značajnoj mjeri. Povećanjem izdvajanja za ovu svrhu na 400.000 KM bi se u ovoj godini potraživanja po ovom osnovu smanjila za oko 50 posto, te bi se umanjila šteta koja se nanosi budžetu zbog uvećavanja potraživanja po osnovu zatezних kamata. Sredstva osigurati umanjnjem ekonomskog koda 822311 „Pozajmljivanje javnim preduzećima“ za 300.000 KM.

AMANDMAN 6.

U Članu 3. Prijedloga, razdjel 10, glava 101, funkcija 0111, uvesti novi ekonomski kod 614516-001 pod nazivom „Subvencija za veterinarstvo, privatna veterinarska stanica (za sufinansiranje projekta registracije, čipiranje, kastracije i sterilizacije pasa)“ u iznosu od 30.000 KM. Sredstva osigurati umanjnjem ekonomskog koda 614311-022 za 30.000 KM.

Obrazloženje: Čitav projekt smanjenja populacije pasa lotalica, ukoliko se žele postići rezultati, je preobiman za jednu veterinarsku stanicu, pa je zbog toga neophodno da se dio tereta prebaci i na privatnu veterinarsku stanicu čime bi se broj kastriranih/steriliziranih pasa povećao na najmanje 1200 u jednoj godini, što bi dovelo do stagnacije ili smanjenja broja pasa lotalica u narednim godinama. Sredstva osigurati umanjnjem ekonomskog koda 614311-022 „JKUP Komunalije d.o.o. Velika Kladuša – Sredstva za funkcionisanje i rad privremenog skloništa za životinje“ za 30.000 KM.

AMANDMAN 7.

U Članu 3. Prijedloga, razdjel 10, glava 101, funkcija 0111 planirana finansijska sredstva za ekonomski kod 821600 „Rekonstrukcija i investiciono ulaganje“ povećati na način da se uz ekonomski kod 821612 uvede dodatni ekonomski kod „821612-001 Rekonstrukcija ulice 23. februar i pristupnog puta prema gradskom groblju i mezarju Drmaljevo“ u iznosu od 50.000 KM. Sredstva osigurati umanjnjem ekonomskog koda 614411-004 za 50.000 KM.

Obrazloženje: Građani ulice 23. februar su još prije dvije godine pokrenuli inicijativu za rekonstrukciju dijela ove ulice i pristupnog puta ka gradskom groblju i mezarju Drmaljevo. U akciju prikupljanja sredstava će se uključiti i drugi građani Velike Kladuše jer se radi o gradskom mezarju. Zbog konfiguracije terena postojećeg puta je teško održavati ovaj putni pravac, te je stoga neophodno izvršiti asfaltiranje istog čime bi svi građani MZ Velika Kladuša dobili bolji pristupni put gradskom groblju i mezarju. Sredstva osigurati umanjnjem ekonomskog koda 614411-004 „Subvencije javnih preduzeća i zavisnih društava“ za 50.000 KM.

AMANDMAN 8.

U Članu 3. Prijedloga, razdjel 10, glava 101, funkcija 0111, uvesti novi ekonomski kod „Rekonstrukcija zgrade Socijalno-pedagoške životne zajednice“ u iznosu od 20.000 KM. Sredstva osigurati umanjnjem ekonomskog koda 821221 za 20.000 KM.

Obrazloženje: Za zamjenu stolarije zgrade Socijalno-pedagoške životne zajednice u Velikoj Kladaši, u kojoj žive djeca bez roditeljskog staranja, prema procjeni izvođača radova potrebno je oko 20.000 KM. Iako ova ustanova djeluje pri Socijalno-pedagoškoj životnoj zajednici Bihać, jedan dio nadležnosti je na Centru za socijalni rad, te bi ovaj vid pomoći bio značajan za poboljšanje životnih uvjeta i uštedu energije u ovoj ustanovi. Potrebna sredstva osigurati umanjnjem ekonomskog koda 821221 „Izgradnja vanjske ravjete“ za 20.000 KM.

Ime vijećnika: Amir Purić

Klub: Naša stranka

U Velikoj Kladaši, 28.03.2022.